

涇野先生文集

涇野先生文集卷之十二

序十二

贈夏仁甫還山序

世路崎嶇蛇退
鬼愁唯速觀者
蔑如也涇野不
言世跡

涪州夏子仁甫仕為南戶部郎中二年、適考察之期、
仁甫乃以疑似之事為人簧鼓、流于執事者之口、遂
得冠帶解職去、諸與仁甫遊者甚惜焉、曰仁甫守身
如此其廉也、居家如此其慎也、臨政如此其明也、接
人如此其恭也、盖有古壯士之風焉、乃不幸遇萋菲
之讒、媒孽其短、遂離魚網之設、使為善者沮、不亦可

而言隱
德所見
更高人
頭目乎
仁甫有
見必三
復於斯
矣

惜乎涇野子曰市之無虎衆所知也。然一人曰市有虎不信也。二人曰市有虎不信也。至三人曰市有虎。雖智士亦為之色變矣。曾參之不殺人衆所保也。一傳曰參殺人不信也。再傳曰參殺人不信也。至三傳曰參殺人。雖慈母亦為之投杼矣。故成宜陽之功者。謗書盈篋而不顧。致長平之敗者。憂在于去頗而用括也。雖然此猶以其在他人者言之耳。若在仁甫何計。于是哉。不見董仲舒乎。勵志下帷。非禮不行。漢之醇儒也。進不得為卿士。乃以江都相致仕而去。惟董子

學益不懈。動師孔子。著繁露。玉杯諸書。發明春秋。以大有功于斯道。於是後人追崇其學。至擬諸孟子。當時身都卿相者。不與焉。故君子以謀道為重。謀祿為輕。以得學為大。得官為小。然則今日之事。雖去仁甫之官。固未能去仁甫之道。則仁甫之歸也。豈肯以去其官而併去其道乎。如仁甫之不去其道。則所謂對天地質鬼神。合日月貫金石。並山河以永者。皆在于是。又何賴于一官哉。他日仁甫聞之。請益焉。曰。世固有以仕為勤者矣。勞勞于簿書會計之間。日不暇給。

由君子觀之非勤也。世固有以隱為逸者矣。優優于詩酒登臨之際。冠不思整。由君子觀之非逸也。益前此之勤。非行義以達道後此之逸。非隱居以求志。故耳。仁甫之歸也。涪水之濱。豈無丈人乎。豈無儕友乎。豈無俊髦乎。慈惠端慤之行成。雖丈人瞻式矣。忠信切悃之行成。雖儕友做法矣。謙恭孝弟之行成。雖俊髦承師矣。近可以訓一鄉。遠可以業天下。然則仁甫之往。又何賴于一官哉。

贈正齋蕭君序

昔予在太學聞蕭君正齋者名醫也。正齋者蕭昂別號也。士大夫論醫及索藥必曰蕭正齋。今年夏吾友崔子鍾病予視之已言亂矣。乃東請正齋。正齋他出。比來予又不在此。故正齋藥不用。乃用他醫藥不效。病且晉三日而後用正齋也。病已危卒愈。惟時子鍾以翰林編修改南京驗封主事匆匆欲行。乃托予代言。贈正齋予遂告之曰：「不知人病而醫者為庸醫，知病而出異眩巧醫者為亂醫。講不同信行其我者為無權醫。病可即瘳故俟其沉而後救之者為桀醫。」執一

方以治諸病者為細醫、更症而后醫者為無能、醫觀
病弗詳遽爾是之療之者為輕醫、庸醫者不智、亂醫
者死、無權醫者不行、桀醫者不仁、細醫者小醫也、無
能醫者不能為醫也、輕醫者多、數醫皆足以殺人、故
君子不道也、周官有醫師統于太宰、而食醫疾醫瘍
醫皆屬焉、法以十全為上、十失四為下、然則十全之
醫其國醫乎、殺人醫者予信正齋免矣、國醫正齋不
可不至也

積德之什序

涇野為溫
公集序極
其琳瑯而
此積德什
激切動人
讀之神竦
豈非千古
相知名重
如山者乎

積德之什者贈菲泉司馬邦柱祭其先溫國文正公
還京之作也菲泉溫公之十五世孫宋南渡時其遠
祖侍郎及舉家自夏縣遷浙之山陰自是不歸夏者
十世矣于是北人以司馬氏為無後南人以山陰氏
為失祖菲泉子弁髦讀書即悵然曰吾家涑水之舊
夏甸之豪而晉宗室司馬孚之胤也至吾祖溫公直
道殊勲冠絕宋代乃吾積滯江邊不能一還反不若
異姓者之歸賜張謙何耶此其痛心裂骨蓋二三十
年矣既舉進士仕刑部則曰相謁祖有日矣遷夏有

期矣至是果求便差日夜馳詣夏縣遂獲舉丁亥元
日之祭往年巡按內濱初公營新溫公之祠謀遷司
馬之後勞勩萬狀幷備聞之以為菲泉子旦夕來也
不意今始至乎越明日而菲泉來容貌古樸心神開
朗一握手間忘形骸出肺腑契如金蘭戚若骨肉初
初公查獲水田百畝籍之官版以為祭需俟司馬氏
後至而歸之菲泉子曰相豈為此田來哉予嘆曰果
若古語非聖賢子孫安有此言司馬其中與乎于是
南涯公夜讌諸米漿堂日讌諸海光樓極談笑三

夕以為復見小司馬矣又明日子讌諸觀德堂酒半
北登尊經閣是日山川濛濛雨雪霏霏四啟軒窓縱
覽烟霞西望虞坂東眺巫山前指鳴條俯臨滄海南
涯公曰此非菲泉之高堠里家邪夫其千里馳驅百
年懷思尊祖敬宗不啻卜子所謂大夫及學士者矣
斯行也不可無言以贈又明日南眺讌諸河東書院
燭跋矣子請名題焉南涯公曰今夫司馬氏之散處
江南者于其溫公乃無一能念之者即有念者乃無
一能至之者即有至者乃無一能肖之如吾菲泉子

讀之惕然

者斯題也。名曰象賢。非泉子曰相無微子之材而先人不敢比殷湯子。又請題曰光裕。非泉子曰此復犯先諱矣。是時非泉携有元日祝辭中具溫公常言曰積德冥冥之中。以為子孫長久之計。子曰卷其以積德言乎。然若冥冥中無德之積。安能使十四五世之雲。仍如吾非泉者至是乎。若子孫計不長久。安能使四五百年之墟墓如吾溫公者至今乎。始與溫公之政讐者安石也。繼世以與溫公之道讐者。惇卞檜輩也。聞其今子孫有改譜系易宗派如古別族于大史。

游諷詠

之輔果者矣。天人不遠。古今如鏡。可于司馬氏及四氏者驗也。且夫溫公道未盡行而殂。以其世之非辰也。非泉學方滋茂而顯。當其時之正清也。吾知凡溫公之厄。畜于宋代者。將俾非泉畢發之于今矣。不然方起大名之夕。夢公授袖中簡者。何也。

漁石之篇序

漁石者。今陝西提學憲副唐公虞佐之別號也。夫公舉進士幾二十年。其材德道義在諸同年之右。諸同年或位中丞。或位卿寺。或晉二司之正。年少者已數

洪鐘巨
磬声响
自别而
意到語
圓有晉
人朴雅
唐人華
藻

十人矣而漁石子一憲副白首而不遷公陞陝西在
正德十六年其風彩勲名在諸二司之前諸二司或
三年而陞或二年而陞或一年而陞同時者已盡其
人矣而漁石子一提學六年而不轉漁石子曰遲速
之分固不必較去就之節亦所當明若乃秋水澄江
冥鴻在空瀑布懸崖山深水古時則倚據石磯垂竿
長流烹鮮酌醇飛塵不染乃龍夙昔之所愛也予其
從吾所好乎呂子夕以為然龍朝拂衣焉呂子朝以
為然龍夕拂衣焉惟義所在非位之顧也呂子曰漁

石子之輕去就也如此其壯哉。夫漁石子為御史時，力剔姦宦，痛黜時弊。李論雲南之巨惡也，一剪而滇鄙底靖；崔和江西之積害也，一劾而江越奠安。直聲振于朝野，風紀揚于華夷。若乃近在陝西，忠誠格髦士之志，文武煥關隴之光。惟當道之數忤，故宦途之久稽耳。嗟乎速化之術，人豈不知？古固有一言取相者矣。今豈然之乎？守素之滯，人豈不知？古固有十年不調者矣。今豈非之乎？若乃以行道而言，則州判不及提學明矣。然且由由焉，忘其東林之為樹也，以養

親而言。則達庭闈者。不及隨膝下者明矣。然且翼翼
焉。忘其涇渭之為水也。是故當其道之可升矣。進愈
速。則愈美。當其道之未可升也。進愈遲。則愈嘉。愈速
愈美。即漁石之處。皆衙署矣。愈遲愈嘉。即案牘之間
皆漁石矣。故君子顧諸在我。不顧在人。故君子顧諸
在性。不顧諸在命。然則漁石子。又何必謂蘭溪之濱
為漁石哉。子是有識其意者。歌曰。江湖者廟廊也。廟
廊者江湖也。君子不忘江湖。乃能立廟廊。

莊浪篇有序

諸欵鑿
鑿有據
將能體

莊浪篇申贈南庄喬子也。恒齋子見知于南庄子。南
庄子有莊浪之行。恒齋子問于涇野子。涇野子為作
莊浪篇云。問莊浪卒曰。夫卒也。既遠酒泉。亦遯西寧。
孤處黃河之外。無所附依。備東則白羊。石板不守。備
西則鹹水。大沙無具。苦灣紅城。以為朝暮。武勝老稚
而作比鄰。肩勞而腹不宿飽。執爰而肘不挽扎。蓋三
邊之苦卒也。故君子常綏之。如子弟焉。問莊浪馬曰。
夫馬多以茶易之。番人以給衛卒者也。其寺苑閑廐
之馬至者。則鮮焉。卒得其壯者。且或羸矣。得其羸者。

行之監
司盡心
稽之獨
莊浪裁

豈能以有馬哉。卒不能以有馬而責馬於卒。并其卒亦失之矣。是故戰無遁虎之壯。追無飛翰之疾。浪有班布之祛。是歸罪于泥淖之陷也。問莊浪衣糧曰。豈惟莊浪凡三邊之遠。皆關陝八府之民所供饋者也。故自潼關以西。未秋則男舂粟曰。將以食邊也。未寒則女織布曰。將以衣邊也。然粟至而卒或無斗釜之入。布至而卒或無尋丈之惠。蓋率國公以先扣緣役以預奪矣。于是卒不能自存。離位取裝于其籍。裝即歸而返伍。則又次第以賂上官。其營屋猶然懸磬四

壁立也。故雖以全陝之力。不能給三邊之費矣。乃不免招商於下。取帑于內。如是而猶或不足。于是寒餒之士。關弓而起。如近日寧夏大同之手刃將領者。已數數也。彼且不誘。虜卒矣。又安望其禦邊哉。夫三代以上。且未能引論。即漢初解衣推食與士卒同辛苦。晁錯所論輸粟塞下者。豈有是哉。問莊浪蒟蒻曰。馬春夏牧青。秋冬食枯蒻。則臃馬者也。故蒟取于廩者。計馬有數。蒻取于庾者。計馬有量。故馬或春夏食枯。有奪其青者也。或秋冬食木。有奪其枯者也。或日夜

食糠粃有奪其菽者也。雖上無施奪，士或以菽代薪，以菽代粢者，則并其馬土亦奪之矣。及虜入塞，赴陣其骨立之馬，跛蹠蹠，見胡即伏，聞鐃即僵，乃以責馬之不進，豈不後哉？故君子積芻菽如水火用，芻菽以劑量，姦宄不能耗其數，貪穢不能損其真。于是駟騶成彭蹻之材，以赴虜如虎狼之捕犬羊也。

種穀篇序

虛齋子將有少叅之行，涇野子告之曰：子之廣東也，其務種穀乎？曰：吾職在督糧，爾曰穀不種何以得糧？

孫洙曰
天下得
賢監司
不患無
賢守令
信同功
一體者哉

則何以種之曰子其墾田乎其行水乎其時使於民
乎曰斯三者各有司存益非吾職也曰田不墾則穀
荒水不行則穀稿使之不以其時則穀不實乃徒較
數歲之中取盈焉則為子之厲廣民也曰是皆守令
者之事雖欲為之不可得而兼矣曰今豈必使子親
負耒耜而後耕乎豈必使子手開川瀆而後水乎夫
監司與守令異事者後世之弊也守令與監司同德
者先王之道也程子曰今之監司專欲伺察守令專
欲蒙蔽故民多病於戲此於他人且不可告而謂吾

子為之乎。子之行郡縣也。見田野闢。塘堰治。詞訟簡。民有餘力。則曰是良有司也。親召其人而禮之。而勸之。曰。吾以爾為最也。則夫糧也。取之斗。則有斗。取之石。則有石。不煩楚而國用足矣。子之行郡縣也。見田野不闢。圩巷不治。訟爭多。民無遺力。而簿書奔走之。惟勤。則亦曰是良有司也。親見其人而不之戒。曰。吾姑宥爾。取之升。不能以畝出。取之秉。不能以丘出。雖噬臍而穀不種矣。是故總鉅禾。結之入。皆盡力。溝洫者之為也。鮮食艱食之。奏皆既稷。耨種者之為也。

然此皆及弘齋陸子講之觀音巖下語已錄具畧于
遊燕子磯記而此又詳之曰種穀篇云

坦菴先生序

同年方豪曰往年豪父母來自開化衝寒冒暑水宿
星行皇皇焉眊豪于京邸年且耆艾任此幸楚谷亭
聞決綽斷舟覆炭及乎不免興言及此魂飛蕩蕩官
何為者哉豪方獲奉歡膝下以徇薄祿而父重念先
隴乃及春初整駕南歸以豪故又踟躕不能以決行
也且豪父善事先公諸父咸睦又善處鄉閭鴉金之

忠孝同
條而共
貫故絕
裾亦豪
傑爲之
至今未
息喙焉
此篇爲
坦蕩道
足訓天
萬世爲
人臣子
者

嬰朱嚴之牧罔有不說豪每念及此悔責不肖無地
夫豪有其身不能養其父有其官不能安其父思皇
其德不能繼其父豪何以為子哉涇野呂柝曰父母
于子之心愛之欲其成也成之欲其至也至之欲其
仁也子能思父母之遺體則必能詳聽以不賊其耳
審視以不賊其目修辭以不賊其口慎動以不賊其
形若是而曰不能養其父吾不信也子能患父母之
不安則必能亂亂于日皇皇于夕博通乎古精通乎
今心無懈于思身無惰于行若是而曰不能安其父

吾不信也。子能思父母之事親則必能移于事君。載其職不辭其煩。執其公不營其利。當其危不渝其常。為時良顯光昭先世爾矣。子能思父母之處鄉則必能移于處民。有貨而不殖。有德而不私。不長民之奸。雪民之弱。下樂而上安矣。豪曰然。乃持以告坦菴先生。坦菴先生曰。夫若是。吾去復何慮。乃歌曰。白鰕之地。其魚尾尾。薄言錫之以羞祖妣。金錢之山。干焉考槃。有花郁郁。有泉潄潄。

約齋序

語不盈
尺幅足
為學者
標的且
較孔門
鍵鑰恐
劉君未
易言也

莆田劉子少功以約名齋蓋取夫子以約鮮失之意
夫約要也又儉也大抵對傳而言有所會歸也今夫
絲千緇萬縷甚無頭緒也有所約焉則各順其理而
不亂以為錦綺羅縠黼黻文章以飾身而華國無往
不可道之千變萬化事之千條萬緒必有所主何以
異諸則夫子所謂一以貫之者其約乎七十子之從
事夫子也非不皆習聞其說也然或以辯失或以藝
支或以勇淺或以名蔽惟顏氏魯氏獨得其傳故顏
子曰夫子約我以禮曾子克唯一貫而孟子謂其能

守約也。然則居是齋者，其有志於學，顏魯而上求孔子之道者乎？少功誠如是也。予願摠衣捫齋以示我於入室焉。

學獨樂園序

學獨樂園者，何曲沃李季和為南京後軍都督恒齋馬公天錫作也。嘉靖五年間，公以右都督鎮守薊州。密雲永平山海地方，嘗奏薦陸尚書豐學士等官忤旨革任，着南京後府帶俸閑住。乃卜居徐氏東園，不携室家，杜門謝客。孤處五載，則東園者，其公之獨樂

即此寄
况一節
便有尊
組折衝
氣象豈
河比大
行耶

園乎或曰東園之勝甲於南都無問縉紳韋布皆獲
遊樂乃比諸司馬之獨樂園而惟公學之豈以心遠
堂即讀書堂一鑒亭即弄水軒滌煩亭即種竹齋登
眺月巖即望輾輾之見山臺乎又他人之於東園或
暫觀而不久留惟公常居其中隨芳飽玩迎時飫賞
獨樂之趣將深有所得乎曰當公之殺流賊于裴子
岩野雀窩也劇賊崩潰遂成狼山之績既而殺胡虜
於洪山口栢崖塘也匈奴挫衄遂收中路之功既而
追斬犯邊鯁輦于白羊谷也威震北狄遂壯薊州

鎮外人之望公者以為威於熊虎鎮如山嶽邁如
風雷常比諸李廣之斬賢王霍去病之六擊匈奴乃
今棲遲東園焚香讀書射隼投壺粥粥乎隱約如經
生澹泊如處士五年之久不越外戶回視前日威望
漠然若不在已惟以日費俸錢無以報國為愧軍民
窮獨不得其所為憂若公者即古所謂用則龍虎不
用則屈蠖故謂獨樂園者非公不能學也嘗聞公守
中路擦崖子當胡人出沒之地絕無城塞墩堡民方
耕牧輒被虜掠公曰此不可以旦夕戍也乃令部下

具一月糧芻親帥材官五兵營于崖表列陳如長蛇
鉤戟長鎚據崖蘭石營內砍木伐甌百工咸作匝月
之間城池廨舍次第立興凡軍士之釜甕場圃亦皆
與具然後乃遷守禦官軍無不樂從至今為一壯塞
又聞戰洪山口伏支丘山阨隘身領控弦白挺數十
障以盾士伺據山側候胡入口二三百步乃自蹶張
引強以斷後胡而先胡半為伏兵所殄餘皆緣谿澗
竄逸群胡聞之號哭喁遁自是不敢牧馬往者胡人
進貢自入喜峯口傲橫無狀三堂者禦之不嚴畜之

有是哉
真將恩
也

無恩至使群胡擁圍以爭庫賞其三堂可於座上虜
也故把兒孫嘗刺副叅公之驗放也耀威以觀兵申
令以示禮明法以彰信厚犒以結恩布段無不中衣
牛酒無不中食於是折掃箒兒之指鞭小失台之背
群胡魚貫而行孫如膠庠他日有盜胡掠二樵夫以
去公召其舊花當與之一矢不五日獲盜胡并二樵
來公示之賞罰後以為常則公之學獨樂園豈亦先
憂而後樂者乎雖然若使公三二人者常在陝之三
邊即漢之河西五郡唐之河北三城皆可以復瓦刺

黃毛之猛亦不敢窺賀蘭、蹀降城、犯黃河、河套之內、
天倉之東、浩亶之西、桑麻遍野、而華夷可為一家矣、
夫宋自君實居獨樂園後、而熙河銀夏多事、予又於
公之學、獨樂園也不免先為邊陲憂、

飲潺湲亭子詩有序

涇野子至解之明日、南江子酌之所修潺湲亭中、曰、
斯亭建自有宋、後守積廢、圯置墻陰、東亦有觀瀾亭、
廢為堦砌沒矣、今敘與子、清秋細雨、舉杯談學於此、
也、耳聞斯聲、目覩斯形、恍若見先正、不亦快乎、涇野

先生性
天中有
魚活
潑故觸
景皆象
獨象皆
理何詩
非何
聲非心
精光到
處神如
秋未骨
如玉氣
如金風
調度滿

子曰於戲天有至聲地有至音至聲不言而化至音
不語而變變化無心神出萬物傳曰物生而後有滋
滋而後有象象而後有數夫道無終始物有本末生
數一體也滋象一轂也生先於數者其初乎象後於
滋者其有乎故天或鼓者青也石或言者妖也君子
不言而信言而後信信之細矣君子不行而敬行而
後敬敬之涼矣昔者禹之行水也躬導江淮河漢用
滋九州乃自積石岷嶓桐栢而東北洹雍冀南溝楚
越其中土定為亭室以宅萬姓斯水也過底柱析城

灩澦呂梁諸阻則有聲若循岸而行直躬而往其深
不測寂乎其無言也南江子曰夫亭傍之竹在春夏
亦常木也霜殞而節稜然後知其心之虛矣亭前之
栢在雨露亦常木也雪零而葉清然後知其心之實
矣禮曰視於無形聽於無聲則此亭之外瓦礫苔莎
無非告子涇野子曰栢不敏請為之詩詩曰仙澗淝
來可以畜鱉懸流石磴旋折潺湲匯其深矣澄默且
玄有璞斯玉有柳斯蟬南江敦此數我肆筵睇爾聽
蘭淠淠其淵有亭明明六扉翼揚潺湲之水效此

刷卷歷
事如此
使為督
學諸生
何如也
儒者之
道人公
之皆有

壺觴百穀斯茂庶民於生如竹斯筍如壘斯甃哇爾
先生匪獨耽賞歌矣永懷四海于平。

多士贈言篇序

侍御龍岡陳子宇刷卷於南畿取太學生百餘人以
查理各衙門諸卷之弊且竣事曾文奎應楨諸士皆
來告予曰諸生之歷事於此始事之日陳公即諄諄
約束于規矩之中曰情奉勅來與爾諸士皆共理
天工者也其敬諸於是諸生皆省心責已不敢憚肆
以負其意今既數月矣敬畏如一日也尋且註選以

味

痛切

今之教子弟引之正門可童非而白首

歸深感懷公之多益無以爲報敬請一言以爲公謝亦以示教于我諸生也涇野子曰善哉問乎世有親受業於師長之門者歲月既久訓誨亦深恩義如父兄親厚如膠漆比其後也一語不合百怨即生或毀於人或讐於已如呂步舒之於董門邢和叔之於程門操戈入室面從背違者代有其人也今觀諸生之言豈惟見陳子爲政之良亦可以見陳子立教之善也人言陳子初舉進士出尹劇縣庶政咸明吏畏民懷既擢御史風采茂著然則今日政教無舉豈偶然

若勢利
交結知
者恨去
之不早
也

故哉夫諸士子志於道者也道無往不在則其學無
事可忽今夫斯卷也皆嘗學道之人而以事見于政
者也得其精者可知其人之良矣知其疵者可知其
人之陋矣諸士子於涉歷之間反求諸己豈不可以
懋學而入政哉昔者樊遲問仁夫子告以執事之敬
雖之夷狄不可棄也夫道莫大於仁孔門自顏子以
下未嘗輕許然其脩爲之方亦惟在執事之敬而已
然則約束於規矩之中者固不可視爲淺小之物別
求道於高遠以失之也昔有善爲車者日從事於車

也輪行如運規輻直而不蓄輻利如割塗雖周行萬里皆指日可到矣乃又厭其藝之常也薄而不爲南之荆揚以習舟事於是其心支蕩其業荒窳舟未成而車之巧亦廢矣故遇事而即學約束其心不出規矩雖大學之道亦不外是諸士子其無以陳子所教專爲刷卷設也其以是質諸陳子

衢州篇

爲李太守邦良作

南禮部精饌郎中李邦良有衢州太守之命乃偕其僚問衢州曰此地前有四守率被訟去而遂又薄

爲守若
令者果
要閭閻
相信而

能使人相信者
非潔白而周詳
不能也
當官三
事曰清
慎勤此
文字字
句句有
之

弱多病柰何涇野子曰前四守之去恐非皆衢人之
罪也必其心衢人多未之知耳邦良茲往當使衢人
皆知其心乎知其心而民之不悅者鮮矣又何難於
衢州邦良亦聞漢張騫之窮河源乎西至葱嶺山星
宿海所經之地多淳泥古里淡巴婆羅阿哇忽魯之
種其生率獸心鳥喙非人所居也騫往迺數年未嘗
有害又聞夏大禹之導江漢乎南至彭蠡洞庭所遊
之處或岫嶠祝融西陽之險三嵎匡廬龍會儲潭之
阻其幽多神姦鬼怪非人所安也禹往來且八年未

逢其害。蓋騫之心。人皆知其爲窮河源以通遠。非有他意也。雖虎豹犀麋皆遁避矣。禹之心。人皆知其爲除水患以安人。非有異謀也。雖魍魎魍魎皆潛匿矣。若使邦良之在衢也。愛其獅橘以賂上官。朝取十筐。暮取百筐。喜其藤紙以厚私室。日取十一。月取十千。則其心誠衢人所不知。固有怒及橘藤之少。而怨及筐筥之失者矣。恐四守者之去亦由是也。若使邦良之在衢也。見姑蔑之南。自爛柯以至于九龍。浮蓋之間。凡常山江山之區。有田數千頃。此不治其塘圳者。

鞭其背。彼不脩其陂。墜者咎其膚。農隙方殷之日。無
或少息焉。大未之北。自崢嶸以至唐臺石門之處。凡
龍遜開化之野。有桑數萬株。不浴種者。極其足。不盆
繅者。枯其手。蠶月方競之時。無或少逸焉。則見三衢
之人。莫不曰。鞭笞我者。非厲我也。欲我之有食也。男
歌於野矣。極枯我者。非賊我也。欲我之有衣也。婦勤
於機矣。則吾邦良之心。如白日懸天。清流在地。莫不
仰其照臨而藉其潤澤。尚有一夫不知者哉。雖魯公
儀。鄭子產。漢黃霸。龍遜皆可頡頏矣。安可與前四守

者論高下邪且邦良質直好善耽學不倦嘗仕比禮
部於法有違亦持之而陳子發言於我則固已有父
母斯民之本矣此其志意風聲衢人已先知之前云
者因邦良自孫之言而解之也

涇野先生文集卷之十三

序十三

太學送張仲修序

弘治壬戌之冬西渠張子仲修自太學歸章德同志之士矢試以別令予為序夫敘者何敘別也敘別者何敘所以別也敘所以別者何敘會志也故古者弗會弗別也弗別弗會也會不如別弗會也別不如會弗別也昔者顏淵之會子路也子路曰願車裘與朋友共敝之而不愠顏淵曰願不伐善而施勞其別也

季路處顏淵曰過其墓武之祀則下之顏子贈曰去
國哭于墓復展墓而勿哭故子路勇於義顏淵弗違
仁然則吾黨何以別張子也方子鏗曰贈張子強有
力秦子偉曰不如愚也趙子用寧曰博學于文斯不
怠馬子理曰非也曾子省諸已故外寡也田子汝耜
曰母多疾于咎人崔子銑曰絕戲譴勿品人甲子林
人馬子卿曰母氏劬勞亟為祿養冠子天敘曰守貧
勿忘其初呂子栴曰可以別矣夫張子何以處吾黨
也

遊樂府
值出祖家
石流暢體
宜存之以
志古

侑觴之什序

送秦世觀乃翁

弘治辛亥

慎庵先生德如蘭麝義方之訓其子式遵慕而懷作

耆英社

薛上達作

才如厥子俟庸明時君子樂之作醉倚

離亭

修張仲

禮義勤渠如見其父我之子矣實惟我友

作嗟我

南田勤

腹心惟一者十八九年視其親一而已

矣作憶惜

馬伯循

兒酒在罇父馬西迈作千里東來

王盡

子父之情不為別離別離萬里情當若何作忍著

趙惟本

明月在天薄照離懷作匹馬于門

白子商

春雲夜

入夢寐其子寤而哭之作瀟瀟馬

雷天澤

言念父訓三

年不聞覩公如見淚濕我衣作憶惜辛酉呂仲安宅

正路未能居而由之是用大作作匪饑匪渴馬敬樹

有啼鳥時戀其母聲聞於野如泣如訴如哭如語作

愛日遠方有懷于古慎姣交遊作管鮑陳雷孟望遊

子之情見父若何倏爾別離可但愴心作寒月照簷

趙德性嗜松韭父飽其腹化離不如于今三年竭力

在何日感而零涕作樗櫟樊季無德不酬無善不復

上帝之寵良自今始作盧溝志其人

送南京左副都御史蕭公序

正德十有二年南京左副都御史關公卿會議於廷
太宰奏曰左副都御史內江蕭紳西蜀碩儒進士高
第初知霍丘已慣民隱歷官秋冬滋閑舊典三使臬
司兩蒞薇垣充豫秦越咸載其明德若乃巡撫於畿
甸於貴州於河南力別清濁申敷慈惠姦究用惴邇
在陝西益懋勲忠

帝若曰予聞茲卿副而寡回洞詳憲體其勅紳作南
京左副都御史典茲十有三道褒予一人用登於大
理往欽哉勅至長安三司大夫咸曰方式明公康濟

西土憲車南轅觀聽奚依乃發使徵言柁乃言曰邇嘗叨侍經幄恭覩

李霍旌旗離翰
絕墨西臺都御
史箴乎此文雄
奇豪爽神骨俱
全

皇上神聖天錫政壹輔相凡厥謨猷聽受弗弗治臻於唐虞何有然思惟厥要在振紀綱夫太學士司端太宰司衡諸卿百工司分若乃上列迪逆中割邪正下詰姦慝褒字淳良紀綱斯作實惟在此二臺夫恭則不侮貞則人信之中則寡議毅則往無所禦厚則戮力者衆哲則難罔信則罔撓夫周旋循理之謂恭不貳其操之謂貞舉措無固之謂忠見義如欲之謂

穀。遠慮玄誠之謂厚。照知邪正之謂哲。見道弗惑之
謂信。七德咸著舉憲有若拾芥。今此蒸黎誕實罷敕
豪右鉅猾引姦附權恣張厥志魁狐碩鼠馮據城社
乳獨載荼耕績咸困行傭以具徭故盜竊猶興虜在
疆場帑藏單虛庶司府貨蔑志効官惟公攸統咸天
下之選出震山岳入踞龍虎然皆具載文質各荷節
志懷挾謨敵欲為國立不拔之基稱聞之震威不
足以舉法。舉法不足以立政。立政不足以成言。成言
不足以穀行。穀行不足以敦仁。矧夫善以偏阻姦以

懼橫利以忽杜。蔽以暗生。禍以避長祥。以怠逆謀以寡。債惟公克樹厥表影。茲羣芳粵若。國初先建內臺。洪武庚午始定。今官列聖相傳。咸珍斯選。故魯穆恭於永樂。王翔顧佐忠於宣德。軒輓年富貞於正統。王茲毅於景泰。天順王恕信於成化。七君子者。外撫雄藩。亦督內臺。終雖或以他官咸由茲選。故功存社稷。樹穀來裔。苟或弗由於此。階雖崇峻。績愧嘉公斯之擢。誕惟爾初克慎。爾終罔俾。七公擅美有明。

送何栢齋北上序

一剖而
肺肝有忘
形骸睥睨
慷慨之態
非知道者
不能也而
末束寓
意無窮

南少司空稻齋何公赴以司空任劉黃嚴鄒東郭謂
予曰昔吾輩在翰林公為前進然而其分則同僚也
今吾輩在南署公為亞卿然而其分則堂上也乃公
不以今分之尊而忘舊分之親談辯交際猶夫昔也
當贈公以不變曰古人下白屋賓幕僚公豈惟此不
變哉然吾數聞其言矣憂民之深愛

君之切猶昔之慷慨也數觀其行矣律身之嚴治心
之密猶昔之峻潔也數探其問學德量矣識見之正
致用之實猶昔之貞固宏遠也夫木變于冬鳥變于

大禪朝
草不露
閻秀

秋人變于長老位變于崇高豈惟其氣使之然哉今
有仕者于此也獨對則一人馬顯對則又一人馬對
少則一人馬對多則又一人馬對貧困賤弱則一人
馬對富貴權勢則又一人馬年方弱冠官始筮仕已
滔滔乎變矣况其長老崇高乎故曰變亦習使之也
則夫栢齋公之不變其中固有所得而巳定乎今斯
之行其知所不變乎夫長安陌路公昔乘款段寡煖
耳冒風雪之地也左掖史館公昔一布袍五七年之
處也順門之下公昔抗疏言天下事之階也今已十

餘年斯行也猶然見之况

聖天子勤學好問加志窮民欲觀時雍風動之化於
目前公斯之行尚可祇曰不變乎或曰化而裁之存
乎變變者因時之道也不變者守已之道也雖然非
有不變之道則亦無以為變變隨時而不以道則并
其已之不變者變矣于是二君子曰此可以告公行
也各賦詩于左

送白樓吳公考績序

白樓先生長洲吳公尚書三載矣將考其績於

朝以當七十也欲引年以乞休凡我屬吏皆欲柟為
贈言焉夫公連事三朝出入西都今之元老大臣也
且柟之舉進士也公適同考會試習公之教于今二
十二年矣及柟之改官南署也公適為堂上習公之
政又三越年矣則固不能以無言夫公起家進士選
授編修進侍講祭酒太常卿少宗伯兼詹事執

制誥于東閣僉舉且入內閣乃又出為太宗伯未幾
又南來為大冢宰勲德聲聞著於一時公固非當時
之名臣邪柟嘗謂大臣之道有三一曰讓二曰容三

言已盡
相臣之
體不則
有害而
不容之
害為最

此公剔
應具在

曰公讓則不爭庶官乃和容則不思辟賢乃登公
不比庶績可熙公殆燕有之乎昔宋神宗謂司馬君
實未湏他論別行只辭樞密一節廷臣莫及夫今之
內閣東閣握天下之要公以資與望於內閣無疑也
三以讓而不居於東閣無疑也十乞休而不處乃今
尤欲有所辭焉則固加於人一等矣秦穆公不忘黃
髮之蹇叔也乃致斷斷無枝休休有容之思至曾子
釋經專引之以明平天下之道公嘗歷犯衆怒屢嬰
群猜處之裕如粥粥乎若無能雖古之一箇臣者將

篇中名
實之白
眉也獨
老婦尚
傅粉素
何

無亦庶幾乎且公進講經筵衆推其諒也育才胄
監士飫其教也典知絲綸人欽其文也總裁國史
筆秉其直也三考禮部一考京闈錄稱其得人也既
典南銓不動聲色縉紳欽服屬式其程也凡此皆人
臣之所難不公而能之乎夫同陟千仞之山當其前
者則進之當其後者則牽之遂皆至於其巔而我不知
也大為萬斛之舟彼載實者亦受焉此載管者亦
受焉率皆登乎其岸而人不知也公雖推以並此可
也雖然蹇叔老而穆公始知悔君實擯而神宗始悔

聖又豈若

聖上深知公之耆舊也。以醇謹端諒學行著聞之言
褒於在北之日。而宮保殊寵加於南來之時。況
聖上勵精化理。以圖至治。正地天交泰之時。知公之
且考績也。寧立以遲。包荒靡之君子矣。公固宜得
尚中行以對。

恩私爾若。公所常稱韓魏公保晚節之言。此恐亦涉
於為已謀者。柟竊為公不願也。

送林侍御之南京序

正德四年間

朝廷數缺御史予同年進士揀補者數十人林君雲從與焉未幾

馬侍御
任御史
歲至今
塵中藏

朝廷又以御史多新進不老諳憲體不可遽令出風表諸臣工也乃取南京御史之三四年者于

之莫若
先生以
二三言
盡也鈞

朝而以新御史補南缺林君雲從與焉將行雲從同鄉之宦者及同年友謂雲從莆田望族父井菴君天

順甲申進士為御史王父登永樂甲辰進士曾王父

為兵部員外郎雲從又為御史簪纓赫奕可賀也予

以此告之

謂雲從亦不可不勉聞井菴君在憲廟時為名御史陳善閉邪易儲之諫激烈凱切下獄而不自悔至今人道之夫雲從之勉又豈可他求哉或曰號直言不避者漢言駱烏御史唐言瞻落御史宋言鐵面御史從事大木者又自目啞御史雲從何宅焉曰時各有宜也道各有在也心各有安也不然襲啞則諛襲鷹擊則僨事

送洪雲南序

文即用
套論則

洪公克毅既理雲南之駕方伯田公商賢及憲臺都

通真道
中事如
指掌矣
此非八
荒閩者
不能道

閩諸公為宴於薇垣以餞之樂再成田公及其藩僚
執爵而進曰惟公寬慈惠此秦土凡我僚儕儀刑未
遑茲往雲南式彼藩司公其滋懋敬厥德樂三成憲
臺李公及其憲僚執爵而進曰惟公明果蕩聞吳越
諸所決罰人咸畏信茲往雲南式彼憲司公其滋懋
敬厥法樂五成都閩張侯及其戎佐執爵而進曰惟
公威信光布三輔凡我行伍亦罔不懾茲往雲南簡
彼將領公其滋懋詰爾戎兵呂柝聞而嘆曰今
天子其無西南之憂乎夫以寬慈式藩司即張結

遜可復在滇省矣以明果武憲司即賴選周樂可復
在滇臺矣以威信簡將帥即沐璘審正可復在滇間
矣夫寬而慈之謂仁明而果之謂義威而信之謂武
仁且義旣武矣然而雲南弗靖者未之有也或曰滇
之人有焚有燬有麼些有禿老有蒲有和泥有百夷
有羅舞有撒摩都有摩察有濃有哀罕有哦昌魁羅
甚不同難化也曰性無不同也行之以仁焉何有曰
滇之俗嚚訟好鬪或死不葬祭專敬釋氏或椎髻編
髮跣足首戴次工雉尾或用緬字或屈膝露頂把手

以為禮或男女混淆婦襲夫職或金齒綉面甚不齊
難變也曰情無不齊也行之以義焉何有田滇之吏
有都布按府州縣官矣又有宣撫宣慰諸甸官甚不
一難統也曰體無不一也繩以仁義之武何有

送鳧塘劉雲南序

正德乙亥六月柟載病適野遇二農于田曰我賦適
平征輸有藝姦暴之厲民者沮父母迺去我懼其又
渝矣問焉對曰叅政安仁劉公陞雲南按察使也明
日方伯高密李公少叅樂平李公徵贈序焉且列劉

蹟其
將然知
言哉而
士人循
良之體
出處之
經具以
片詞擬
盡

子之蹟暨諸當路者之辟䟽也。呂子曰：果若農言，夫
劉子今之賢大夫也，可以觀政矣。君子之仕也，獲其
君或不獲其民，獲其民或不獲其寮，寮與其上，夫鳧
塘子我知之矣。徵諸庶民，質諸寮，寮與其上，又若是
其烈也。我雖有序于鳧塘子，人不得以為黨矣。初，枏
之守史官也，聞鳧塘子為紹興先，以錄囚明乞不賂
忤劉瑾三月而去。紹興人哭而餞諸劉寵之祠，餽千
金而弗選。乃遍禱諸神祠曰：無或不保我劉父以為
吾民憂。又欲以金贖諸瑾，鳧塘子弗是也。紹興人立

去思碑君子以為難或曰子產為政三年而民誦之
惟衮衣章甫則三月也元瑞雖賢不亦棘乎曰子未
知其時焉耳尼父而際焉一日而天下歸仁矣未幾
枵病還山比瑾誅鳧塘子起知予西安當是時也暴
政之未盡殄猶爾瘡也有問太守於涇野莊者則對
曰夫夫也是能活紹興人者我西土之穀也既有
尹曰我不知斯太守之愈他太守也蒞政數月矣篋
有淫征吏不一擾焉質諸昔聞起予滋慕矣然而鳧
唐子不我知也久而後聞子病予懷之書已畧乃獲

又問以相知然遂以憂行三日載道人不能以一僕
點也比子再病還山鳧塘子又叅政予省他日行縣
或下病夫則以既奉其言貌矣博大而知要寬裕而
介敏而諒莊敬而寡邪明辯而斷古之儒也榘接夜
斷寐焉或問之對曰錄囚之允紹興之思西安之政
秦農之頌皆夫夫之緒餘耳樂平李子曰劉子衢之
年友也又西曹卿之僚友也衢知之自初矣九歲而
通毛詩十七歲舉應天二十歲而舉朱希周榜進士
當是時也科道以交劾貴戚不法盡下獄他官乃署

科道篆劉子時未有司也上書論之列章雖寢科道亦因是以解焉涇野子曰古之君子其仕也崇卑不異以篤道也故民得其所焉後之君子其仕也始終或殊以為已也故民失其據焉鳧塘子以徂無寧以徒有始乎則人將以子為二夫也或曰奚不言雲南曰鳧塘子自是升矣且雲南一班超之語任尚者之馬多奚足以語鳧塘子

送黃廣東序

刑部郎中南安黃子希仁陟東廣按察憲副將行別

情法兩
審一字
不涉空
談可規
死張杜
諸人矣

予乃懼其責大而材短咎其事冗而學寡憂其民窮
為盜而難戢呂子曰吾見今之遷官者矣驕浮於懼
滿浮於歎予是之行廣東其真矣乎夫今之憲司之
聽訟也速判結以為神空圖圈以為靜遇告訴以為
威習左右以為察委屬吏以為體納請謁以為通外
淹禁以為處夫法是以不中而民是以罔措也今之
君子既仕也談經者謂之狂庸經者謂之腐希仁乃
念於是焉其心之弗明鮮矣夫民之為盜豈其情哉
貧無所依驅之弱無所扶驅之直無所伸驅之曲無

所繩驅之征徃不均驅之微力不均驅之故伐盜不
究其本抱薪而救火也吾子亦嘗聞鍾離牧吳恢孔
戣之為廣東者乎三子者知憂知咎知懼者也夫戣
也舉能用良於是乎民情得吳恢嗜書及聽祐之言
而清簡不殺斯其人可謂好學者矣牧秉清公曾夏
之政數千人而皆獲故曰惟仁者知憂故不憂惟智
者知咎故不咎惟勇者知懼故不懼

送張子汝楨任河南丘副序

京人張子汝楨將之信陽兵備曰翰之斯行也謂之

言言從
韜鈴中
來而按
圖索本
右聚米
而觀畫

舊勅兵備矣猶兼弭盜撫民理訟諸務奚其勝呂子
曰夫張子子故憚為御史之風矣貞而不詭友而不
同久於其位而不怨瀕乎其遷而不媚衆固以才以
名以例數於卿佐矣乃不其然區區一信陽兵備何
足以盡子哉雖然柟常讀張平子南都賦矣斯地也
武關限其西桐柏揭其東漚滄浪而為隍廓方城而
為墉而又面衡控潞繁汝墳淮其險也雖非遼陽朶
顏之遠延綏甘肅寧夏諸邊之要然三省之際四土
之結流離易瘁風塵易揚故淮南子以冥阨為天下

也即淮
南子論
說莫許
于此有
志中原
者識之
名矣凡
兵之策

九塞之一諸葛武侯謂為用武之國也張子其可忽
諸當必使斯兵也樂伍如戀隣樂戍如安土樂田如
世農樂役如饑赴食樂獵如庭縣狙樂簡如塾問師
樂調如挾纊樂陣如奕碁樂攻如拉朽樂戰如弄丸
故兵不樂伍則問旗兵不樂田則問畷兵不樂役則
問書兵不樂獵則問禽兵不樂簡則問鼓兵不樂調
則問餉兵不樂陣則問綏兵不樂政則問家兵不樂
戰則問身夫扣糧所以支伍也尅布所以散戍也重
稅所以蕪田也測土所以惰役也私獲所以敗獵也

繁科所以仇簡也。殘馬所以阻調也。慢令所以解陣也。怨內所以懈攻也。離心所以屈戰也。張子曰夫兵備固若是矣。以弭盜撫民。理訟可乎。曰聞之矣。弭盜莫如詰姦。撫民莫如糾墨。理訟莫如正俗。是時從予游者張詩在旁。曰詩新從信陽來。獲覩信陽書院之邃。及聞諸葛涑水上蔡三書院之勝矣。張先生此行義不可忘於茲。曰於戲。張子如不忘諸書院之故。而興之以其本也。豈惟可弭盜撫民理訟哉。雖兵備亦在是矣。

涇野先生文集卷之十三